

蓮池大師七筆勾

1. 五色金章一筆勾
2. 魚水夫妻一筆勾
3. 貴子蘭孫一筆勾
4. 富貴功名一筆勾
5. 家舍田園一筆勾
6. 蓋世文章一筆勾
7. 風月情懷一筆勾

- 一、思重山邱，五鼎三牲未足酬。親得離塵垢，子道方成就。㗎，出世大因由，凡情怎割？孝子賢孫，好向真空究，因此把五色金章一筆勾。
- 二、鳳侶鸞儔，恩愛牽纏何日休？活鬼喬相守，緣盡還分手。㗎，為你兩綢繆，披枷帶杻，覷破冤家，各自尋門走，因此把魚水夫妻一筆勾。
- 三、身似瘡疣，莫為兒孫作遠憂。憶昔燕山竇，今日還存否？㗎，畢竟有時休，總歸無後，誰識當人，萬古常如舊，因此把貴子蘭孫一筆勾。
- 四、獨占鰲頭，謾說男兒得意秋。金印懸如斗，聲勢非常久。㗎，多少枉馳求，童顏皓首，夢覺黃梁，一笑無何有，因此把富貴功名一筆勾。
- 五、富比王侯，你道歡時我道愁。求者多生受，得者憂傾覆。㗎，淡飯勝珍羞，衲衣如繡，天地吾廬，大廈何須構，因此把家舍田園一筆勾。
- 六、學海長流，文陣光芒射斗牛。百藝叢中走，斗酒詩千首。㗎，錦繡滿胸頭，何須誇口？生死跟前，半時難相救，因此把蓋世文章一筆勾。
- 七、夏賞春遊，歌舞場中樂事稠。煙雨迷花柳，棋酒娛親友。㗎，眼底逞風流，苦歸身後，可惜光陰，驀然空回首，因此把風月情懷一筆勾。